

2027 kum ading primary school sang-apna

Victoria ah a Foundation (Prep zong kici) pen primary sang kum khatna ahi hi.

Na tate 30 April 2027 ni-in kum 5 a phak uh leh sangkah kipan thei uh hi.

Na ta kum 6 a phak leh sangkah kul hamtang hi.

Bang hun ah siau thei ding?

2027 kum ading Victoria kumpi primary sang ah min piak ding hunte:

- **Nipi khuavak ni 20 April 2026** pan kihong ding
- **Ninga ni 31 July 2026** ni a nunung pen hi

Ka tate' sang-apna ah hamphat ngah theihna bang teng om hiam?

Victoria gamke sungah, *Pilsinna le Pattahna Puahphatna Thukhun 2006 (Education and Training Reform Act 2006)* ziakin, na naupang pen inn geinai-a om sang (veng kiimnai sang) ah kah thei hi. Na tualsung sang pen a tawntungin na teenna mun leh sang huamna mun (school zone) tawh kikhensat hi. Sang-ap ding khensatnate tawh kisai kicingzaw theihna dingin, [Sang-apna](#) ah pai in

Ka naupang a primary school kum khatna ah koici bangin sang-ap ding?

Primary sang ah na naupang sang-ap zia ding hih lai ah om hi:

1. **Na tualsung sang zong in**
Nangma ii tualsung kumpi primary sang ahihkeileh a nai sanginnte zon nadingin www.findmyschool.vic.gov.au ah pai in.
2. **Sanginn hopih in**
Pai nop hun khat khaamkholh nadingin primary sang hopih in. Sang in online (VicStudents) ahihkeileh laidal tawh sang-apna zang hiam cih theician in. Hih thu-le-late pen sang ii website sungah om ding hi.
3. **Thu kohna lai lomte download in**
Foundation (Prep) sang-apna lai pen [Foundation \(Prep\) Sang-apna](#) pan download la in. Nili ni 2 April 2026 ni ma-in tua lai lomte kingah ding hi.
4. **Na sang-apna lai puak in**
Sang-apna siauhna **pen Ninga ni 31 July 2026** lapin online (VicStudents) ahihkeileh amau' website tungah a kigen sang ii nasepzia tungtawnin laidal form zangin ap in.
5. **Dawna khat ngah in**
Nangma ii sang-apna siauhna dawna pen **Nipi khuavak 3 August leh Ninga ni 14 August 2026** kikal sungin nang hong kitheisak ding hi. Sanna na ngah leh, tua sanna pen **Ninga ni 28 August 2026** lapin na san kul ding hi.
6. **Na ta ii sang kilaih nadingin kiging in**
Term 4 (Laisin hun), 2026 sungin sang naupang kilaihna hunte ah kihel in. Na ta in Foundation pen **Nili ni 28 January 2027** panin kipan ding hi.

Ka kiim ka kianga om sanginn koici zon ding?

[Find my School](#) (Sanginn Zonna) website ah na kiim na kianga om sanginn a nuai-a bangin zong in:

1. Na browser ah www.findmyschool.vic.gov.au ci-in lut in.
2. 'Kipat nading na omna address gelh in' a cihna nuai-ah a tawntungin na omna address gelh in.
3. 'Sang-ap kum' a cihna nuai-ah 2027 teel in. **2027 ading sang huamna munte** pen **Nili ni 2 April 2026** ni ma-in kingah ding hi.
4. 'Sang nam' a cihna nuai-ah Primary teel in.

Map gamlim in na omna address, na kiim na kianga om sanginn hong lak ding a, vei lam pangah sanginn tawh kisai kizopna dingte hong dawk ding hi. A nuai lamah kaisuk lecin, na omna tawh a kinai pen sanginn nga zong hong dawk ding hi. 'Sanginn zong in' a cihna nuai-ah sanginn min tawh zong kizong thei hi.



Ka sang siauhna ngah kei leng bang cih ding?

Na siauhna na ngah keileh, a nuai-a te na hih thei hi:

- Sang dang ah **siau** in. Na naupang in a kiim a kiang a om sang ah a ngah ding pen kician hi. Na naupang' vengsung sang zon nadingin [Find my School \(Sanginn Zonna\)](#) ah lut in.
- Khensatna azukhan ngen in. [Foundation \(Prep\) Sang-apna](#) laimai ah sang siauhna khentatna thuumzia ding tawh kisai thute om hi.

A zenzenin sang-ap ding ciangtan hun lap kei leng bangcih ding?

Na naupang pen sang kum 2027 ading Foundation ah sang-ap nadingin **Nipi khuavak ni 20 April 2026** pan hun khatpeuh ah na siau thei hi.

Ninga ni 31 July 2026 ni ma-in sang siauhna piak ding hong kinget hangin, sang-ap hun ciangtan sung a lap lo, a kipin teenna mun (permanent residence) ah kilaih ahihkeileh Victoria ah a tung thak mi a om innkuante kiang pan a siau nai lote kisang lai ding hi.

Primary sang in **31 July 2026 ni khit ah a kipuak sang-apna siauhnate a kingah ciangin** vaihawm ding a, zumkhen ii Sang-apna Thukhun tawh kizui hi ding hi.

Primary school sang-apna tawh kisai thulela kicing koi munah kizong thei ding?

Foundation sang-ap ding zia tawh kisai thulela kicing theihna dingin na vengsung sang ah kidong thei hi.

Nipi khuavak ni 20 April 2026 panin Foundation sang-apna bawlzia tawh kisai thu kohna lai lomte pen [Foundation \(Prep\) ah sang-apna](#) cih laimai tungah zong na mu thei hi.

Tua theih ding thute letkhiatsak ding a kul leh, na vengsung aom primary sang hopihin huhna ngen in.

Kua kiang huhna ngen ding?

Na siauh nop primary school ii Transition Coordinator, Enrolment Officer ahihkeileh Principal in sang-ap zia tawh kisai na theihnop khempeuh hong huh thei ding hi.

Link zat theih dingte

Na tate primary school a kipat ciangin phattuumna hong pia thei ding ahi, a nuai-a link zat theih ding pawlkhat en in:

Find my School (Sanginn Zonna) – findmyschool.vic.gov.au

Sanginn kiimnai teng tawh kisai thute – vic.gov.au/school-zones

Foundation (Prep) Sang-apna – vic.gov.au/enrolling-foundation-prep

Sang-apna – vic.gov.au/how-choose-school-and-enrol

Pumpi cingtaak lote leh a huamkim pilsinna – vic.gov.au/disability-and-inclusive-education

Regional zum tawh kizopna dingte – vic.gov.au/office-locations-department-education

2027 Foundation (Prep) sang-apnate adingin a kiciangtan hunte

2026 Nite	Nulehpate/a donte in bang sep ding kisam hiam?
Term 1	Ninih ni 27 January (sangnaupangte 28 January ni-in kipan ding) – Nili ni 2 April 2026
Term 1 leh 2, 2026	Primary sangte in a bawl sang hawhnate ah pai in (<i>teel theih</i>).
Nili ni 2 April 2026 ma-in	2027 sang kum adingin sang huamna munte kingah thei hi. Nangma ii tualsung sang pen www.findmyschool.vic.gov.au ah na zong thei hi.
Term 2	Nipi khuavak ni 20 April – Ninga ni 26 June 2026
Nipi khuavak ni 20 April 2026 pan	- Term 2 kipat hun panin, na ta ii siauhna behlap inla, puak in – na sang in ngaihsutna hong piakna tawh kizui-in online pan ahihkeileh Sang-apna Thu Kohna Lai Lomte (Enrolment Information Pack) sungah Siauhna Lai zangin puak in. - A nensi-a theih nadingin/1> Enrolment Information Pack pen Foundation (Prep) ah Sang-apna panin na download thei hi.
Term 3	Nipi khuavak ni 13 July – Ninga ni 18 September 2026
Ninga ni 31 July 2026	Na behlap sa nangma siauhna pen primary sang ah hih ni lapin ap in.
Nipi khuavak ni 3 August leh Ninga ni 14 August 2026 kikal	Hih hun sungin primary sangte in sang-apna dawnnate lai tawh hong theisak ding hi. - Na siauhna na ngah keileh, primary sang tawh kisai azukhan (appeal) na puak thei hi.
Ninga ni 28 August 2026 lapin	Sang-apna sanna tawh a kipia khawm Sang-apna Lai (Enrolment Form) behlapna tawh na naupang ii mun ding sanna kipsak in. - Azukhan nget ding na sawm leh, na primary sang tungah lai tawh a kigelh azukhan ngetna pen Ninga ni 28 August ni lapin puak in.
Ninga ni 11 September 2026 lapin	Primary sangte in azukhan dawnnate pen lai tawh hong theisak ding hi.
Ninga ni 18 September 2026 lapin	Na primary sang ah azukhan ngetna na ngah keileh, a kisai Regional Director tungah lai tawh azukhan ngetna na khak thei hi.
Term 4	Nipi khuavak ni 5 October – Ni nga ni 18 December 2026
Term 4, 2026	Primary sangte in a bawl sang laihna hunte kah in.
Ninga ni 18 September 2026 lapin	Regional Director tungah azukhan ngetna na khak khit leh, region (zum khen) in hih ni lapin lai tawh dawnna hong theisak ding hi. Hih pen a kikhak ni ahi, Ninga ni 18 September ma-in a kingah azukhan ngetnate bek ading ahi hi.